



საქართველოს მთავარი პროკურატურა

საქართველოს მთავარი პროკურატურის შენობის სარდაფში ავტოსადგომის მოწყობის სრული საპროექტო-სახარჯთაღრიცხვო დოკუმენტაციის შედგენის მომსახურების შესყიდვის განცხადება და ტექნიკური დავალება

საკონკურსო დოკუმენტაცია

(71200000)

წინამდებარე საკონკურსო განცხადება შედგენილია „სახელმწიფო შესყიდვების შესახებ“ საქართველოს კანონისა და „კონკურსის მეშვეობით საპროექტო მომსახურების სახელმწიფო შესყიდვის წესისა და პირობების დამტკიცების შესახებ“ სახელმწიფო შესყიდვების სააგენტოს თავმჯდომარის 2015 წლის 22 მაისის N7 ბრძანების საფუძველზე

2017 წელი ქ. თბილისი

1. ინსტრუქცია კონკურსში მონაწილეობის

1.1 შესყიდვის პროცედურები ხორციელდება სახელმწიფო შესყიდვების ერთიან ელექტრონულ სისტემაში (შემდგომში – სისტემა) საქართველოს კანონის „სახელმწიფო შესყიდვების შესახებ“ და „კონკურსის მეშვეობით საპროექტო მომსახურების სახელმწიფო შესყიდვის წესისა და პირობების დამტკიცების შესახებ“ სახელმწიფო შესყიდვების სააგენტოს თავჯდომარის 2015 წლის 22 მაისის №7 ბრძანების შესაბამისად.

1.2 კონკურსთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვის შესახებ ხელშეკრულების ფორმა და პირობები მოცემულია საკონკურსო დოკუმენტაციაში, რომელიც ხელშეკრულების დადების მომენტისათვის დაზუსტდება საკონკურსო წინადადების შესაბამისად.

1.5. კონკურსში საკვალიფიკაციო მონაცემების დამადასტურებელი დოკუმენტაციის წარმოდგენა არ მოითხოვება.

1.6. პრეტენდენტს საკონკურსო წინადადების ფასის გაანგარიშების წარმოდგენა არ მოეთხოვება.

1.7 საკონკურსო წინადადების წარდგენა შესაძლებელია მხოლოდ სისტემის მეშვეობით, აფიდავიტის პირობებზე დათანხმების, ელექტრონული გარანტიის წარდგენისა და საფასურის გადახდის შემდეგ.

1.8 ტექნიკური დოკუმენტაციის სისტემაში ატვირთვის შემდეგ, პრეტენდენტმა სისტემის შესაბამის ველში უნდა მიუთითოს საკონკურსო წინადადების ფასი დღ–ის გარეშე, რომელიც არ უნდა აღემატებოდეს შესყიდვის ობიექტის სავარაუდო ღირებულებას.

1.9 პრეტენდენტი, რომელიც ტექნიკურ დოკუმენტაციაში მიუთითებს საკონკურსო წინადადების ფასს ექვემდებარება დისკვალიფიკაციას.

1.10. პრეტენდენტი წინადადების ფასში არ ითვალისწინებს დღ–ს, მიუხედავად იმისა არის თუ არა იგი დღ–ს გადამხდელი საქართველოს კანონმდებლობის შესაბამისად. იმ შემთხვევაში, თუ გამარჯვებული პრეტენდენტი ხელშეკრულების მომენტისათვის, საქართველოს კანონმდებლობის შესაბამისად, არის დღ–ს გადამხდელი, ხელშეკრულების ღირებულებაში გათვალისწინებული იქნება საკონკურსო წინადადების ფასის შესაბამისი დღ–ის ოდენობა.

1.11 საკონკურსო წინადადების ფასის მითითებისა და ტექნიკური დოკუმენტაციის ატვირთვის შემდეგ, პრეტენდენტს უფლება არ აქვს, შეცვალოს წარმოდგენილი ტექნიკური დოკუმენტაცია და საკონკურსო წინადადების ფასი.

1.12 პრეტენდენტს უფლება აქვს წარმოადგინოს მხოლოდ ერთი საკონკურსო წინადადება. ალტერნატიული წინადადებები არ განიხილება.

1.13 საუკეთესო საკონკურსო წინადადებისა და გამარჯვებულის გამოვლენისათვის კონკურსში გამოიყენება საკონკურსო პირობებით დადგენილი კრიტერიუმები და მათი წონები.

1.14 ხარჯთაღრიცხვის შედგენისას ზედნადები ხარჯების და გეგმიური მოგების ზღვრული პროცენტული მაჩვენებელი უნდა განისაზღვროს „სამშენებლო სამუშაოების სახელმწიფო შესყიდვისას ზედნადები ხარჯების და გეგმიური მოგების განსაზღვრის წესის დამტკიცების შესახებ“ საქართველოს მთავრობის 2014 წლის 14 იანვრის N55-ე დადგენილების მიხედვით.

1.15 საკონკურსო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და საკონკურსო კომისიის აპარატში წერილობითი მიმართვის შემთხვევაში. ქ. თბილისი, გორგასალის ქ. N24.

საკონტაქტო პირები:

საკონკურსო კომისიის აპარატი: ნიკოლოზ ბურდული ტელ: (995) 32 2 40 50 86, ქეთევან მეტრეველი ტელ: (995) 32 2 40 50 32.

2. ტექნიკური დავალები

2.1 შესყიდვის ობიექტი: საქართველოს მთავარი პროკურატურის ადმინისტრაციული შენობის სარდაფში (ქ. თბილისი, გორგასლის ქ. N24 ს/კ N01.18.05.002.078) ავტოსადგომის მოწყობის და არსებული ავტოსადგომის სარეაბილიტაციო-სარემონტო სამუშაოების სრული/დეტალური საპროექტო-სახარჯთაღრიცხვო დოკუმენტაციის შედგენა-მოწოდების მომსახურების სახელმწიფო შესყიდვა ტექნიკური დავალების დანართი N1 შესაბამისად:

ა) 2380 მ² სარდაფში ავტოსადგომის მოწყობისათვის საჭირო სრული/დეტალური საპროექტო-სახარჯთაღრიცხვო დოკუმენტაცია, ავტოსადგომისთვის საჭირო ყველა ინფრასტრუქტურის და სამუშაოების გათვალისწინებით;

ბ) შენობის სარდაფის ნაწილში 830 მ² ფართზე არსებული ავტოსადგომის სარეაბილიტაციო-სარემონტო სამუშაოების საპროექტო-სახარჯთაღრიცხვო დოკუმენტაცია, ამასთან ამავე ფართზე განთავსებული ავტოსამრეცხოს, სველი წერტილებისა და ტექნიკური ოთახების სარემონტო სამუშაოების გათვალისწინებით.

2.2 შესყიდვის საგარაუდო ღირებულება: 28 000 (ოცდარვა ათასი) ლარს დღგ-ს გარეშე;

2.3 გამარჯვებული პრეტენდენტი საკონკურსო ხელშეკრულების დადების შემდგომ ვალდებულია შემსყიდველს გადასცეს საავტორო უფლება.

3. ანგარიშსწორების პირობები:

3.1 ანგარიშსწორება მოხდება უნაღდო ანგარიშსწორებით ლარში.

3.2 მიმწოდებელთან ანგარიშსწორება მოხდება საკონკურსო დოკუმენტაციით გათვალისწინებული საპროექტო-სახარჯთაღრიცხვო დოკუმენტაციისა და ექსპერტიზის (ექსპერტიზას შემსყიდველი უზრუნველყოფს საკუთარი სახსრებით) დადებითი დასკვნის საფუძველზე მხარეებს შორის მიღება-ჩაბარების აქტის გაფორმებისა და შესაბამისი საგადასახადო დოკუმენტაციის წარმოდგენიდან (დღგ-ს გადამხდელის შემთხვევაში საგადახდო ანგარიშ-ფაქტურა) 10 (ათი) სამუშაო დღის ვადაში.

3.3 წინასწარი ანგარიშსწორება არ გამოიყენება.

3.4 დაფინანსების წყარო: 2017 წლის სახელმწიფო ბიუჯეტი.

4. პრეტენდენტის მიერ შესყიდვების ერთიან ელექტრონულ სისტემაში ატვირთული საკონკურსო წინადადება უნდა შეიცავდეს არქიტექტურულ გადაწყვეტას საკონკურსო დოკუმენტაციის მე-8 პუნქტის შესაბამისად. არქიტექტურულ კონცეფციის წარმოდგენლობა ან/და არსებითი შეუსაბამობა გამოიწვევს პრეტენდენტის დისკვალიფიკაციას ყოველგვარი დაზუსტების პროცედურების გარეშე.

5. მიწოდების ვადები და საგარანტიო პირობები:

5.1. საკონკურსო დოკუმენტაციით გათვალისწინებული მომსახურების გაწევა უნდა განხორციელდეს ხელშეკრულების გაფორმებიდან 40 კალენდარული დღის ვადაში შემსყიდველის იურიდიულ მისამართზე: ქ. თბილისი, გორგასლის ქუჩა #24;

5.2. პრეტენდენტის მიერ წარმოდგენილი საპროექტო-სახარჯთაღრიცხვო დოკუმენტაცია უნდა შეესაბამებოდეს, როგორც „მშენებლობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის N57 დადგენილების 47-ე მუხლის, ისე „შეზღუდული შესაძლებლობის მქონე პირებისათვის სივრცის მოწყობისა და არქიტექტურული და გეგმარებითი ელემენტების ტექნიკური რეგლამენტის დამტკიცების თაობაზე“ საქართველოს მთავრობის 2014 წლის

N41 დადგენილების მოთხოვნებს. აქვე მიმწოდებელი იძლევა გარანტიას, რომ მის მიერ შესრულებული საპროექტო-სახარჯთაღრიცხვო სამუშაოები იქნება უნაკლო და მოხმარებისთვის ვარგისი, არ გამოავლენს ხარვეზებს და შესაბამისობაში იქნება საკონკურსო დოკუმენტაციის პირობებთან. წინააღმდეგ შემთხვევაში იგი ვალდებულია, საკუთარი სახსრებით თავად უზრუნველყოს, როგორც საგარანტიო პერიოდში, ასევე სამშენებლო სამუშაოების გაწევის დროს აღმოჩენილი ნებისმიერი ხარვეზის (დეფექტის) და ნაკლის აღმოფხვრა.

5.3. საგარანტიო ვადის ათვლა იწყება მიღება-ჩაბარების აქტის გაფორმების დღიდან და მოქმედებს **7 (შვიდ) კალენდარული წლის** განმავლობაში.

5.4. საჭიროების შემთხვევაში შემსყიდველი იტოვებს უფლებას შეიტანოს ცვლილებები რენდერებსა და სართულის ესკიზურ გეგმებში.

6. გამოცდილება

6.1. კონკურსში მონაწილეს უნდა გააჩნდეს ბოლო სამი წლის განმავლობაში (2014, 2015, 2016 წლებში) თითოეულ წელში **არანაკლებ 100 000 (ასი ათასი) ლარის** ოდენობის სამშენებლო საპროექტო-სახარჯთაღრიცხვო დოკუმენტაციის შედგენის მომსახურების გაწევის გამოცდილება, რომელიც დადასტურებული უნდა იყოს შესაბამისი მომსახურების გაწევის დამადასტურებელი დოკუმენტაციის (ხელშეკრულებ(ებ)ი და მიღება-ჩაბარების აქტებ(ებ)ი, შემსყიდველი ორგანიზაციის დასახელება და საკონტაქტო ინფორმაცია) წარმოდგენით დანართი N4-ის მიხედვით.

7. პრეტენდენტის მიერ ერთიან ელექტრონულ სისტემაში ასატვირთი მონაცემები:

- 7.1. ტექნიკური დავალება დანართი #1-ის მიხედვით.
- 7.2. რეკვიზიტები დანართი #2 მიხედვით.
- 7.3. საპროექტო დოკუმენტაციის მიწოდების ვადა დანართი #3 მიხედვით.
- 7.4. გამოცდილების შესახებ ინფორმაცია 6.1 პუნქტის შესაბამისად;
- 7.5. არქიტექტურული გადაწყვეტა, მე-8 პუნქტის შესაბამისად;
- 7.6. სარეკომენდაციო წერილი გაცემული დამკვეთისგან, რომელიც გაცემული უნდა იყოს ამ კონკურსის გამოცხადების შემდეგი თარიღით.

8. პრეტენდენტის მიერ წარმოდგენილი განაშენიანების არქიტექტურული გადაწყვეტა უნდა შეიცავდეს:

- 8.1. ობიექტის ინტერიერის და ექსტერიერის 3D ვიზუალი (რენდერები), რომელზეც აღნიშნული უნდა იყოს ფასადზე გამოსაყენებელი მასალის ჩამონათვალი.
- 8.2. ტექნიკური დავალების შესაბამისად შედგენილი ესკიზური არქიტექტურული პროექტი (გეგმარება აღნიშნულ სარდაფში ფართის მაქსიმალურად გამოყენების გათვალისწინებით) დანართი N1-ის მიხედვით.
- 8.3. ტერიტორიის კეთილმოწყობის ესკიზური გენგეგმა;
- 8.4. განმარტებითი ბარათი პროექტის დახასიათებით, უსაფრთხოების ტექნიკისა და ღონისძიებების ჩამონათვალის გათვალისწინებით; სქემატური ნახაზები - გეგმები, ჭრილები.

9. საკონკურსო წინადადების შეფასების კრიტერიუმები:

9.1. ხარისხის ჯამური შეფასების კოეფიციენტი შეადგენს - 70 %

9.2. საკონკურსო წინადადების ფასის კოეფიციენტი - 30 %

10. საუკეთესო საკონკურსო წინადადების გამოვლენისთვის დადგენილი ხარისხის შეფასების კრიტერიუმები და მათი ხვედრითი წონები:

N	ხარისხის შეფასების კრიტერიუმი	კოეფიციენტი
1	არქიტექტურული გადაწყვეტა	0,5
2	დასრულებული საპროექტო-სახარჯთაღრიცხვო დოკუმენტაციის მიწოდების ვადა	0,3
3	გამოცდილება	0,2
	სულ:	1

შენიშვნა:

- განაშენიანების არქიტექტურული გადაწყვეტის შესფასებისას კომისიის ყოველი წევრი ცალკე აფასებს კრიტერიუმს 0-10-ქულიან დიაპაზონში, ხოლო საბოლოო შეფასება განისაზღვრება კომისიის წევრების მიერ მინიჭებული ქულების საშუალო არითმეტიკული მაჩვენებლით.

- მიწოდების ვადის შეფასებისას უპირატესობა ენიჭება დაბალ ციფრობრივ მაჩვენებელს.

- გამოცდილების შეფასებისას უპირატესობა ენიჭება 6.1 პუნქტით გათვალისწინებულ პერიოდში სამშენებლო საპროექტო-სახარჯთაღრიცხვო დოკუმენტაციის შედგენა-მიწოდების დასრულებული მომსახურების რაოდენობის მაღალ ციფრობრივ მაჩვენებელს.

ტექნიკური პირობები

საქართველოს მთავარი პროკურატურის ადმინისტრაციული შენობის სარდაფში (ქ. თბილისი, გორგასალის ქ. N24 ს/კ N01.18.05.002.078) ავტოსადგომის მოწყობის და არსებული ავტოსადგომის სარეაბილიტაციო-სარემონტო სამუშაოების სრული/დეტალური საპროექტო-სახარჯთაღრიცხვო დოკუმენტაციის შედგენა-მოწოდების მომსახურება:

1. მოსაწყობის ავტოსადგომის ფართი საორიენტაციოდ უნდა შეადგენდეს 2400 მ²-ს.
2. პროექტში გათვალისწინებული უნდა იყოს შენობის სარდაფის ნაწილში 850 მ²-ზე განთავსებული არსებული ავტოსადგომის, შესასვლელების, ავტოსამრეცხოსა და ტექნიკური ოთახების რეკონსტრუქცია-რემონტი.
3. შენობის გარეთ მოსაწყობის ინფრასტრუქტურის საჭიროების შემთხვევაში გათვალისწინებული უნდა იყოს მისი მოპირკეთება ექსტერიერის იერსახის შესაბამისად.
4. პროექტში გათვალისწინებული უნდა იყოს ფართის მაქსიმალურად გამოყენების შესაძლებლობა.
5. პროექტის მომზადებისას არქიტექტურული და საინჟინრო ნაწილები უნდა მომზადდეს საერთო და ცალკე პუნქტების სახით, რაც შესაბამისად უნდა აისახოს სახარჯთაღრიცხვო მონაცემებშიც.
6. პროექტში გათვალისწინებული უნდა იყოს არსებული კომუნიკაციების რეკონსტრუქცია საჭიროების შესაბამისად.

ტექნიკური მოთხოვნები:

1. მოსაწყობ ავტოსადგომზე უნდა დამონტაჟდეს ხანძარსაწინააღმდეგო გაფრთხილების და ხანძარქრობის ავტომატური სისტემა;
2. მოსაწყობ ავტოსადგომზე ხანძარსაწინააღმდეგო სისტემა უნდა იყოს გათვლილი არსებულ სიტუაციაზე ისე, რომ ავტომატურ რეჟიმში სრულად უზრუნველყოს სახანძრო უსაფრთხოება ყოველგვარი შეფერხების გარეშე;
3. მოსაწყობ ავტოსადგომზე უნდა დამონტაჟდეს ავტომატურად და კომპლექსურად რეგულირებადი ვენტილაციის სისტემა;
4. მოსაწყობ ავტოსადგომზე უნდა დამონტაჟდეს ვიდეო-აუდიო სამეთვალყურეო სისტემა;
5. მოსაწყობ ავტოსადგომზე ყველა კარი და ფანჯარა უნდა იყოს კლიმატგამძლე კონსტრუქციის;
6. ელ-მომარაგება უნდა იყოს სტანდარტული საჭიროებისამებრ. გათვალისწინებული უნდა იყოს არსებული გენერატორისა (სამ პოლუსიანი) და უწყვეტი დენის წყაროს (UPS) ავტომატურ სისტემებთან მიერთება, რომელიც დენის გათიშვის შემთხვევაში ავტომატურ რეჟიმში უზრუნველყოფს საპროექტო ტერიტორიას ელექტრო ენერგიით მომარაგებას (არანაკლებ ნაწილობრივ განათებისთვის, ვიდეო-აუდიო სამეთვალყურეო სისტემისთვის, სახანძრო სისტემისთვის).
7. განათება უნდა იყოს დიუდოური, შესაბამისი სიმძლავრის.
8. მოსაწყობი ავტოსადგომის ტერიტორია მთლიანად უნდა იყოს განათებული, ასევე შესასვლელების ტერიტორია.
9. როზეტების და ჩამრთველების სიმაღლე იატაკიდან 1,3მ-დან 1,6 მ-მდე.
10. მოსაწყობ ავტოსადგომზე იატაკი უნდა მოეწყოს არმირებული რკინაბეტონით, ზედაპირი უნდა მოპირაღდეს შესაბამისი ტექნოლოგიით.
11. არსებულ ავტოსადგომზე იატაკი უნდა მოიხსნას და ახლიდან მოსწორდეს ბეტონის შესაბამისი ხსნარით და მოპირაღდეს შესაბამისი ტექნოლოგიით.
12. მოსაწყობ ავტოსადგომზე უნდა მოეწყოს საფეხმავლო და საავტომობილო შემოსასვლელები, რკინის კარები და ბეტონის კიბე ბაქნით (მოაჯირით და მოპირკეთებით);
13. მოსაწყობ ავტოსადგომზე კედლები და ტიხრები მოეწყოს ბეტონის ბლოკებით, ან/და რკინა ბეტონით;
14. საპროექტო ტერიტორიის სამირკვლის, ბაქნების და სხვა კედლები და სვეტები უნდა შილესოს და შეიღებოს კლიმატგამძლე და საიზოლაციო საშუალებებით;

15. ჭერი უნდა დამუშავდეს ისეთი საიზოლაციო საშუალებებით, რომელიც უზრუნველყოფს ავტომატური გამონაბოლქვის იზოლაციას ძირითად შენობასთან.
16. სანკვანძებში (ასეთის არსებობის შემთხვევაში) უნდა დაიგოს მეტლახი და კაფელი კაფელი $h=1,70$ მ სიმაღლეზე;
17. უნდა დაიხაზოს ავტომატური გაჩერების და მოძრაობის მიმართულებების აღმნიშვნელი ხაზებით, ნიშნებით და სიმბოლოებით.
18. შენობის გარეთ მოსაწყობი საჭირო ინფრასტრუქტურის არსებობის შემთხვევაში, მისი გადახურვა, ან/და ფასადის მოპირკეთება უნდა იყოს არსებულ შენობასთან შესაბამისობაში.
19. ავტომობილების თავისუფლად გადაადგილებისა და სადგომებისათვის ფართის მაქსიმალურად გამოყენების მიზნით უნდა განხორციელდეს არსებული კომუნიკაციების და დანადგარების რეკონსტრუქცია, ასევე საჭიროების შესაბამისად უნდა განხორციელდეს არსებული გრუნტის, ბეტონის იატაკის, ტიხრების, კიბეებისა და არასაჭირო დანადგარების დემონტაჟი.
20. შენობის პროექტირებისას მიმწოდებელი ვალდებულია პროექტის გეგმარებითი საპროექტო სამუშაოები დაამუშაოს დამკვეთთან (შემსყიდველთან) კონსულტაციების შედეგად და თანდართული დოკუმენტაციის მიხედვით.

შენიშვნა:

ხელშეკრულების გაფორმების შემდეგ დოკუმენტაცია წარმოდგენილი უნდა იყოს ალბომის სახით ნაბეჭდი ვერსია A3 ფორმატზე 4-ეგზემპლარად და CD - ვერსია (ელექტრონული) PDF - ფაილის სახით;

საკონკურსო წინადადების ფასში სრულად უნდა იყოს მოცემული კონკურსით გათვალისწინებული საპროექტო-სახარჯთაღრიცხვო დოკუმენტაციის მომზადებასთან დაკავშირებული ყველა ხარჯი და კანონმდებლობით გათვალისწინებული ყველა გადასახადები. საპროექტო-სახარჯთაღრიცხვო დოკუმენტაცია დამზადებული უნდა იყოს საქართველოში მოქმედი სამშენებლო ნორმებით და სტანდარტებით. აქვე მიმწოდებელმა საპროექტო დოკუმენტაციის მომზადების დროს უნდა გაითვალისწინოს ყველა ტექნიკური დოკუმენტაციის მომზადების შესაბამისობა შემდგომში ნებართვის გამცემ ორგანოებში მისაღებად. ასევე მიმწოდებელი ვალდებულია შემსყიდველს წარუდგინოს საქართველოს კანონმდებლობით გათვალისწინებული მზა დოკუმენტაცია მშენებლობის ნებართვის გამცემ ორგანოსთან შესათანხმებლად. ხარვეზისა და წუნის გამოვლენის შემთხვევაში მიმწოდებელი ვალდებული იქნება გაითვალისწინოს აღნიშნული და წარმოუდგინოს შემსყიდველს სრულყოფილი დოკუმენტაცია.

თანდართული დოკუმენტაცია:

1. შენობის სარდაფის კონსტრუქციული, არქიტექტურული და მოსაწყობი ფართის აზომვითი ნახაზები;
2. ტერიტორიის საკადასტრო გეგმა, ამონაწერი საჯარო რეესტრიდან და არსებული სიტუაციის ამსახველი ფოტო - მასალა;

გამარჯვებული პროექტანტის მიერ წარმოსადგენი მუშა დოკუმენტაცია, ხელშეკრულების გაფორმებიდან 40 კალენდარულ დღეში:

1. არქიტექტურული პროექტი (მუშა დოკუმენტაცია/გეგმები, ფასადები, ჭრილები, კვანძები, სპეციფიკაციები, ფასადებისა და ინტერიერის ფრაგმენტული რენდერები);
2. ტექნოლოგიური ნახაზები (ავტომატური განლაგების ჩვენებით);
3. ვერტიკალური გეგმარება;
4. გენგეგმა;
5. კონსტრუქციული პროექტი;
6. ვენტილაციის პროექტი;

7. ხანძარქრობისა და სახანძრო სიგნალიზაციის პროექტი;
8. ელექტრობის სისტემის პროექტი;
9. წყალმომარაგებისა და წყალარინების ქსელების პროექტი;
10. სანიაღვრე-სადრენაჟო სისტემის პროექტი;
11. მშენებლობის ორგანიზაციის პროექტი;
12. ტერიტორიის კეთილმოწყობის პროექტი;
13. მშენებლობის სახარჯთაღრიცხვო დოკუმენტაცია;
14. საავტორო ზედამხედველობა;

რ ე კ ვ ი ზ ი ტ ე ბ ი

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ანგარიშის ნომერი:

კონკურსანტის ხელმოწერა ----- ბ.ა /ხელმოწერის სახელი, გვარი/

საკონკურსო წინადადება

თარიღი: _____ წ.

(კონკურსის ჩატარების თარიღი)

ვის:

საქართველოს მთავარი პროკურატურა

(შემსყიდველი ორგანიზაციის დასახელება)

ვისგან: _____

(კონკურსანტის დასახელება)

გავეცანით რა საკონკურსო დოკუმენტაციას, თანახმა ვართ საკონკურსო დოკუმენტაციის შესაბამისად განვახორციელოთ _____ და

(შესყიდვის ობიექტის აღწერა)

ჩვენი საკონკურსო წინადადების გამარჯვების შემთხვევაში ვიღებთ ვალდებულებას დავიწყოთ _____ გაწევა ხელშეკრულების გაფორმებისთანავე და

(მომსახურება)

დავასრულოთ სახელმწიფო შესყიდვების შესახებ ხელშეკრულების („შემდგომ ხელშეკრულება“) ძალაში შესვლიდან _____ დღის განმავლობაში.

(დღე, თვე, წელი)

წინამდებარე საკონკურსო წინადადება ძალაშია _____ დღის განმავლობაში დაწყებული შემდეგი თარიღიდან: _____.

ამით ვადასტურებთ, რომ გაცნობილი ვართ „სახელმწიფო შესყიდვების შესახებ“ საქართველოს კანონს, „სახელმწიფო შესყიდვების განხორციელების შესახებ“ დებულებას, სახელმწიფო შესყიდვების სააგენტოს თავჯდომარის 2015 წლის 22 მაისის #7 ბრძანებას და კონკურსის მსვლელობის დროს ვიმოქმედებთ დადგენილი ნორმების ფარგლებში.

ინფორმაცია პრეტენდენტის მიერ ანალოგიური მომსახურების გაწევის გამოცდილების შესახებ

#	მომსახურების დასახელება	შემსყიდველის დასახელება	CMR-ის ნომერ/SPA-ნომერი	ხელშეკრულების ღირებულება	ფაქტიურად გაწეული მომსახურების ღირებულება	ხელშეკრულების გაფორმების თარიღი	ერთი პროექტის სახარჯთაღრიცხვო თანხა არანაკლებ 1 00 000 ლარის შემთხვევაში
1	2	3	4	5	6	7	8

შენიშვნა:

- ა) ცხრილის მე-4 სვეტი ივსება მხოლოდ იმ შემთხვევაში თუკი მომსახურება გაწეულია სახელმწიფო შემსყიდველი ორგანიზაციის დაკვეთით და ხელშეკრულება ატვირთულია შესყიდვების ერთიან ელექტრონულ სისტემაში
- ბ) პრეტენდენტი ვალდებულია, წარმოადგინოს გაწეული მომსახურების დამადასტურებელი ხელშეკრულებები და მიღება-ჩაბარებების აქტები/ან სახვა სახის რაიმე დოკუმენტი

კონკურსანტის ხელმოწერა ----- ბ.ა /ხელმოწერის სახელი, გვარი/

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება კონკურსის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის საკონკურსო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ქ. თბილისი

2017 წელი

საქართველოს მთავარი პროკურატურა (შემდგომში - შემსყიდველი), წარმოდგენილი მისი ----- სახით, ერთი მხრივ და ----- (შემდგომში - მიმწოდებელი) მისი -----სახით, მეორეს მხრივ, საქართველოს მოქმედი კანონმდებლობისა და მიმწოდებლის საკონკურსო წინადადების საფუძველზე, CNT ----- კონკურსის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

1. ხელშეკრულებაში გამოყენებულ ტერმინებს აქვს შემდეგი მნიშვნელობა

- 1.1 „ხელშეკრულება სახელმწიფო შესყიდვის შესახებ (შემდგომში – ხელშეკრულება) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს მომსახურების გაწევას ამ ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1 საქართველოს მთავარი პროკურატურის ადმინისტრაციული შენობის სარდაფში (ქ. თბილისი, გორგასალის ქ. N24 ს/კ N01.18.05.002.078) ავტოსადგომის მოწყობის სრული/დეტალური საპროექტო-სახარჯთაღრიცხვო დოკუმენტაციის შედგენა-მოწოდების მომსახურების (შემდგომში „მომსახურება“) (CPV კოდი: 71200000) შეძენა

3. ხელშეკრულების ღირებულება

3.1 ხელშეკრულების საერთო ღირებულება შეადგენს ----- (--- ---) ლარი.

3.2 ხელშეკრულების საერთო ღირებულება მოიცავს „მიმწოდებლის“ მიერ ხელშეკრულებით გათვალისწინებული ვალდებულების შესრულებასთან დაკავშირებულ ყველა ხარჯსა და საქართველოს კანონმდებლობით გათვალისწინებულ გადასახადებს.

4. მომსახურების გაწევის ადგილი და ვადები

4.1 მომსახურების გაწევის ადგილია: ქ. თბილისი, გორგასლის ქ. #24.

4.2 მომსახურების გაწევა განხორციელდება ხელშეკრულების გაფორმებიდან 40 (ორმოცი) კალენდარულ დღეში.

5. მომსახურების მიღება-ჩაბარების წესი

5.1 შესყიდვის ობიექტის მიწოდების შესახებ ფორმდება შესაბამისი მიღება-ჩაბარების აქტი საკონკურსო დოკუმენტაციით გათვალისწინებული საპროექტო-სახარჯთაღიცხვო დოკუმენტაციისა და ექსპერტიზის (ექსპერტიზას შემსყიდველი უზრუნველყოფს საკუთარი სახსრებით) დადებითი დასკვნის საფუძველზე. შესყიდვის ობიექტი ჩაითვლება მიწოდებულად მხოლოდ მიღება-ჩაბარების აქტის გაფორმების შემდეგ.

5.2 შემსყიდველის მხრიდან მიღება-ჩაბარების აქტის გაფორმებაზე პასუხისმგებელ პირს წარმოადგენს ----
-----.

6. ანგარიშსწორების ფორმა და ვადები

6.1 გაწეული მომსახურების ობიექტის ღირებულების ანაზღაურება მოხდება უნაღდო ანგარიშსწორებით ეროვნულ ვალუტაში.

6.2 ანგარიშსწორება ხორციელდება მიღება-ჩაბარების აქტის გაფორმებიდან და მიმწოდებლის მიერ შემსყიდველისათვის საქართველოს კანონმდებლობით დადგენილი საგადასახადო დოკუმენტაციის წარდგენიდან არაუგვიანეს 10 სამუშაო დღის განმავლობაში.

6.3 დაფინანსების წყარო: დაფინანსების წყარო: 2017 წელის სახელმწიფო ბიუჯეტი.

7. მხარეთა უფლება - მოვალეობანი

7.1 შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.2 მიმწოდებელი უფლებამოსილია მოსთხოვოს შემსყიდველს გაწეული მომსახურების ანაზღაურება ხელშეკრულებით გათვალისწინებულ ვადებში.

7.3 მიმწოდებელი ვალდებულია:

ა. გაუწიოს მომსახურება შემსყიდველ ორგანიზაციას შესყიდვის ობიექტის ხელშეკრულებით გათვალისწინებული პირობების შესაბამისად

ბ. განახორციელოს „მომსახურება“ ჯეროვნად, კეთილსინდისიერად, ხარისხიანად და სრულად;

გ. შესაბამისი შეტყობინების შემთხვევაში, დროულად აღმოფხვრას გაწეული „მომსახურების“ შემოწმების შედეგად გამოვლენილი წუნი საკუთარი ხარჯებით;

დ. „მომსახურების“ მიწოდებისას აცნობოს „შემსყიდველს“ ყველა განსაკუთრებული გარემოების შესახებ.

8. გარანტია

მიმწოდებელი“ იძლევა გარანტიას, რომ საკონკურსო პირობებით განსაზღვრული ტექნიკური დავალების მიხედვით მიწოდებული მომსახურება იქნება ხარისხიანი და შესაბამისობაში კანონმდებლობის მოთხოვნებთან

9. ინსპექტირება

9.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება, რისთვისაც გამოყოფს უფლებამოსილ პირს/ პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების დროს.

9.2 ინსპექტირებას განახორციელებს საქართველოს მთავარი პროკურატურის -----

9.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება გაწეულ მომსახურებაში რაიმე სახის წუნი მიმწოდებელი ვალდებულია გამოასწოროს წუნი.

9.4 ინსპექტირების გამწევის ფუნქციები:

ა) „მიმწოდებლის“ მიერ ხელშეკრულებით ნაკისრი ვალდებულების ხარისხსა და მომსახურების გაწევის ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.

ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.

გ) „მიმწოდებლის“ მიერ ხელშეკრულებით ნაკისრი შესრულებული ვალდებულების ნაკლოვანებებს ინსპექტირების გამწევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

9.5 „მიმწოდებლის“ მიერ ხელშეკრულებით ნაკისრი ვალდებულების შესრულებისას გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

10. პირგასამტეხლო ხელშეკრულების პირობების შეუსრულებლობისათვის

10.1 ხელშეკრულების 4.2 და 7.3 პუნქტებით გათვალისწინებული პირობების დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.2%-ის ოდენობით.

10.2 ხელშეკრულების 6.2 პუნქტით გათვალისწინებული გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,2%-ის ოდენობით.

10.3 შემსყიდველი უფლებამოსილია, მიმწოდებლისმხრიდან ხელშეკრულებისთ ნაკისრი ვალდებულებების სრულად შეუსრულებლობის შემთხვევაში, მიმწოდებელს დააკისროს კჯამური ჯარიმა ხელშეკრულების საერთო ღირებულების 5%-ის ოდენობით და შეუწყვიტოს ხელშეკრულება

10.4 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების შეუსრულებელი ვალდებულების ღირებულების 5%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით.

11.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.5 მხარე ვალდებულია 10.3 და 10.4 პუნქტებით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

11.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ფორს-მაჟორი

13.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, ქვეყანაში არსებული კრიზისით და სხვა.

13.3 მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

14. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი _ შემსყიდველს.

15. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2017 წლის 31 დეკემბრის ჩათვლით.

16. რეკვიზიტები

შემსყიდველი

მიმწოდებელი

საქართველოს მთავარი პროკურატურა

მის: ქ. თბილისი, გორგასლის ქ. №24

ტელეფონი: 2 40-50-86

საიდენტიფიკაციო კოდი 204398302

სახელმწიფო ხაზინა

ბანკის კოდი: TRESGE22

მიმღების ანგარიში № GE24BN0330100200165022